

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

R J E Š E N J E
po Prijavi koncentracije
privrednog subjekta „Athabasca Investment“ d.o.o. Tomislavgrad

Sarajevo,
septembar, 2019. godine



Broj: UP- 03-26-1-011-12/19
Sarajevo, 12.09.2019. godine

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (1) tačka d), a u vezi sa čl. 12., 14., 16., 17. i 18. Zakona o konkurenciji („Službeni glasnik BiH“, br. 48/05, 76/07 i 80/09), rješavajući po Prijavi koncentracije privrednog subjekta „Athabasca Investment“ d.o.o. Tomislavgrad, Malog Marjana bb, 80240 Tomislavgrad, zaprimljenoj dana 30.04.2019. godine pod brojem UP-03-26-1-011-1/19, na 58. (pedesetosmoj) sjednici održanoj dana 12.09.2019. godine, je donijelo

R J E Š E N J E

1. Ocjenjuje se dopuštenom koncentracija na tržištu proizvodnje i tržištu prodaje medicinskih sredstava i sanitetskog materijala na teritoriji Bosne i Hercegovine, koja će nastati sticanjem kontrole privrednog subjekta „Athabasca Investment“ d.o.o. Tomislavgrad, nad privrednim subjektom „SANITEKS“ d.d. Velika Kladuša, kupovinom većine dionica.
2. Ovo Rješenje o koncentraciji se upisuje u Registar koncentracija.
3. Ovo Rješenje će biti objavljeno u „Službenom glasniku BiH“, službenim glasilima entiteta i Brčko distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, pod brojem: UP- 03-26-1-011-1/19 dana 30.04.2019. godine, Prijavu koncentracije (u daljem tekstu: Prijava) privrednog subjekta „Athabasca Investment“ d.o.o. Tomislavgrad, Malog Marjana bb, 80240 Tomislavgrad (u daljem tekstu: „Athabasca Investment“ ili Podnosilac prijave), kojom isti namjerava steći kontrolu nad privrednim subjektom „SANITEKS“ d.d. Velika Kladuša, Tone Hrovata br. 2, 77230 Velika Kladuša (u daljem tekstu „SANITEKS“ ili Ciljno društvo), na osnovu Ponude za preuzimanje društva „SANITEKS“ d.d. Velika Kladuša koja je objavljena u dnevnim novinama „Dnevni list“ i „Oslobođenje“ dana 16.04.2019. godine, u skladu sa članom 12. stav (1) tačka b) podtačka 1) Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon).

Uvidom u zaprimljenu Prijavu i priloge uz istu, Konkurencijsko vijeće je utvrdilo da Prijavu treba dopuniti, te je u tom smislu dana 16.05.2019. godine aktom broj: UP-03-26-1-011-2/19 Podnosiocu prijave uputilo Zahtjev za dopunu Prijave koncentracije.

Podnosilac prijave je dostavio traženu dopunu podnescima zaprimljenim dana 30.05.2019. godine (pod brojem UP-03-26-1-011-6/19) i dana 18.06.2019. godine (pod brojem UP-03-26-1-011-7/19).

Nakon kompletiranja Prijave, Konkurencijsko vijeće je izdalo Potvrdu o kompletnoj i urednoj Prijavi koncentracije, u smislu člana 30. stav (3) Zakona, dana 10.09.2019. godine, aktom broj: UP-03-26-1-011-11 /19.

Konkurencijsko vijeće je, u skladu sa članom 16. stav (4) Zakona, dana 18.07.2019. godine izdalo Obavještenje o Prijavi koncentracije broj: UP-03-26-1-011-9/19 u kojem su objavljeni podaci o namjeravanoj koncentraciji u dnevnim novinama Dnevni list dana 22.07.2019. godine i internet stranici Konkurencijskog vijeća, te tom prilikom pozvalo sve zainteresovane strane na dostavljanje pisanih komentara o provođenju iste.

Na predmetno Obavještenje Konkurencijsko vijeće nisu dostavljeni komentari zainteresovanih strana.

Konkurencijsko vijeće je analizom Prijave utvrdilo sljedeće činjenice:

Prijava je podnesena, u smislu člana 16. stav (1) Zakona, s obzirom na to da je pravni osnov predmetne koncentracije Ponuda za preuzimanje dionica privrednog subjekta „SANITEKS“ koja je objavljena u dnevnim novinama „Dnevni list“ i „Oslobođenje“ dana 16.04.2019. godine.

1. Učesnici koncentracije

Učesnici predmete koncentracije su privredni subjekti Društvo za konsalting i upravljanje „Athabaska Investment“ d.o.o. Tomislavgrad, Malog Marjana bb, 80240 Tomislavgrad i „SANITEKS“ d.d. Velika Kladuša, Tone Hrovata 2, 77 230 Velika Kladuša.

1.1. Privredni subjekt „Athabasca Investment“ d.o.o. Tomislavgrad

Društvo za konsalting i upravljanje „Athabasca Investment“ d.o.o. Tomislavgrad, registrovan je na Općinskom sudu u Livnu pod matičnim brojem: 65-01-0009-15.

Privredni subjekt „Athabasca Investment“ je dio grupacije čije je matično društvo privredni subjekt Društvo za dizajn, razvoj, proizvodnju i promet u široj industrijskoj djelatnosti „PREVENT Central and Eastern Europe“ d.o.o. Sarajevo, Bulevar Meše Selimovića 16, 71000 Sarajevo (u daljem tekstu: „PREVENT CEE“ d.o.o. Sarajevo), sa 100% vlasničkog udjela.

Pretežna registrovana djelatnost Podnosioca prijave je proizvodnja niskonaponskih kablova.

Prema navodima iz Prijave koncentracije, (..)**¹

Distribucija proizvedene robe se odvija preko eksternih transportnih kompanija koje na osnovu transportnih zahtjeva, u internom programu, organiziraju kamione i isporučuju proizvode na tražene destinacije.

1.1.1. Povezana društva privrednog subjekta „Athabasca Investment“ d.o.o. Tomislavgrad

Privredni subjekt „Athabasca Investment“ je većinski vlasnik privrednog subjekta „Prevent Specials“ d.o.o. Žepče, sa adresom u Poslovnoj zoni „POLJA“ 72230 Žepče, sa 100% vlasničkog udjela.

Pretežna registrovana djelatnost privrednog subjekta „Prevent Specials“ je usluga šivenja za automobilsku industriju.

¹ (..)** - podaci predstavljaju poslovnu tajnu

1.2. Privredni subjekt „SANITEKS“ d.d. Velika Kladuša

Privredni subjekt „SANITEKS“ d.d. Velika Kladuša, Tone Hrovata br. 2, 77230 Velika Kladuša registrovan je na Općinskom sudu u Bihaću pod matičnim brojem: 1-421-00int. 141, sa osnovnim kapitalom u iznosu od (..)** KM, koji je podijeljen na (..)**redovnih dionica nominalne vrijednosti (..)**KM. Ukupan broj dioničara društva iznosi 1.576, te se radi o otvorenom dioničkom društvu u smislu člana 105. stav (3) Zakona o privrednim društvima („Službene novine Federacije BiH“, broj 81/15).

U sljedećoj tabeli je prikazan pregled deset najvećih dioničara privrednog subjekta „SANITEKS“:

Tabela 1.

| Red. br. | Naziv privrednog subjekta | Vlasnički udio (%) |
|----------|--------------------------------|--------------------|
| 1. | Athabasca Investment | 29,4918 |
| 2. | (..)** | 9,6579 |
| 3. | (..)** | 5,0765 |
| 4. | PRO CONSULTING d.o.o. Sarajevo | 4,8970 |
| 5. | (..)** | 4,1863 |
| 6. | (..)** | 1,9465 |
| 7. | (..)** | 1,6117 |
| 8. | (..)** | 0,8394 |
| 9. | (..)** | 0,6350 |
| 10. | (..)** | 0,6021 |
| 11. | \sum 1-10 | 58,9442 |
| 12. | Ostali | 41,0558 |
| 13. | Ukupno | 100 |

Izvor: Prijava koncentracije

Osnovna djelatnost privrednog subjekta „SANITEKS“ je proizvodnja i prodaja medicinskih sredstava i sanitetskog materijala visoke kvalitete (gaza i sekundarni proizvodi od gaze, zavoji, gipsani zavoji, flasteri, proizvodi od netkanog tekstila i setovi prve pomoći).

Prema navodima iz Prijave, više od (..)**% ukupnog prihoda od prodaje realizuje se na izvoznim tržištima, među kojima su najbrojnija tržišta Evropske unije.

Distribucija proizvedene robe se odvija preko eksternih transportnih kompanija koje na osnovu transportnih zahtjeva, u internom programu, organiziraju kamione i isporučuju proizvode na tražene destinacije. U manjem obimu distribucija se vrši na osnovu vlastitog distributivnog odjela kao i putem usluga brze pošte.

2. Pravni okvir ocjene koncentracije

Konkurencijsko vijeće u provođenju postupka ocjene dopuštenosti koncentracije je primijenilo odredbe Zakona, Odluke o utvrđivanju relevantnog tržišta („Službeni glasnik BiH“, br. 18/06 i 34/10), Odluke o definisanju kategorija dominantnog položaja („Službeni glasnik BiH“, broj 34/10), te Odluke o načinu podnošenja prijave i kriterijima za ocjenu koncentracija privrednih subjekata („Službeni glasnik BiH“, broj 34/10).

Konkurencijsko vijeće, na osnovu člana 43. stav (7) Zakona, može koristiti sudsku praksu Evropskog suda i odluke Evropske komisije, kao i kriterije i standarde iz Uredbe Vijeća EK broj 139/2004 o kontroli koncentracija između privrednih subjekata, Obavještenje Evropske

Komisije o konceptu koncentracija privrednih subjekata, te Smjernice za ocjenu horizontalnih / vertikalnih koncentracija.

3. Pravni osnov i oblik koncentracije

Koncentracija se odnosi na sticanje većinske kontrole privrednog subjekta „Athabasca Investment“ nad privrednim subjektom „SANITEKS“, na osnovu Ponude za preuzimanje društva „SANITEKS“ d.d. Velika Kladuša koja je objavljena u dnevnim novinama „Dnevni list“ i „Oslobođenje“ dana 16.04.2019. godine.

Ponuda je objavljena u skladu sa Zakonom o preuzimanju dioničkih društava FBiH, te u skladu sa Rješenjem o odobrenju ponude za preuzimanje od strane Komisije za vrijednosne papire FBiH broj: 04/1-19-357/18 od 10.04.2019. godine..

Privredni subjekt „Athabasca Investment“ je vlasnik (..)**redovnih dionica Ciljnog društva, što procentualno iznosi (..)**% od ukupnog broja dionica.

Ponuda za preuzimanje se odnosi na (..)**redovne dionice na ime, što u procentu iznosi (..)**% i ista se upućuje svim dioničarima Ciljnog društva.

Slijedom navedenog, pravni oblik predmetne koncentracije je sticanje kontrole jednog privrednog subjekta na drugim, kupovinom većine dionica, u smislu člana 12. stav (1) točka b) podtačka 1) Zakona.

4. Relevantno tržište predmetne koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda / usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i / ili korisnici smatraju međusobno zamjenjivim, pod prihvatljivim uslovima, imajući u vidu naročito njihove bitne osobine, kvalitet, uobičajenu namjernu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupnu ili dio teritorije Bosne i Hercegovine na kojoj privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Podnosilac prijave u Prijavi navodi da privredni subjekt „Athabasca Investment“, djeluje na relevantnom tržištu niskonaponskih kablova, (..)** i isti ne djeluje na tržištu na kojem djeluje Ciljno društvo.

Privredni subjekt „SANITEKS“ djeluje na tržištu proizvodnja i prodaja medicinskih sredstava i sanitetskog materijala (gaza i sekundarni proizvodi od gaze, zavoji, gipsani zavoji, flasteri, proizvodi od netkanog tekstila i setovi prve pomoći).

Na osnovu podataka koje je Konkurencijsko vijeće zaprimilo od strane Agencije za posredničke, informatičke i finansijske usluge Republike Srpske (podnesak broj: 01-778/19 od 21.05.2019. godine) i Finansijsko – informatičke agencije Federacije Bosne i Hercegovine (podnesak broj: 05-2-03-7-2108-2/2019 od 18.06.2019. godine), podataka dostavljenih uz

Prijavu koncentracije i podataka koji su dostupni na Internet stranici www.saniteks.ba, privredni subjekt „SANITEKS“ ima (..)**% tržišnog učešća na tržištu proizvodnje medicinskih sredstava i sanitetskog materijala jer je jedini proizvođač navedenih proizvoda u Bosni i Hercegovini.

Nadalje, prema internim procjenama Uprave, Ciljno društvo ima (..)**% tržišnog udjela na tržištu prodaje medicinskih sredstava i sanitetskog materijala, na kojem učestvuje više konkurenata iz regiona i Evropske unije, kao što su: „Tosama“ d.o.o. Vir, Republika Hrvatska, „Lola Ribar“ d.d. Karlovac, Republika Hrvatska, „NIVA“ d.o.o. Žabelj, Republika Srbija, „Paul Hartmann AG“, Njemačka i „Lohmann&Rauscher“ Austrija.

Slijedom navedenog relevantno tržište proizvoda predmetne koncentracije je tržište proizvodnje medicinskih sredstava i sanitetskog materijala i tržište prodaje medicinskih sredstava i sanitetskog materijala.

Relevantnog tržište u geografskom smislu predstavlja tržište cjelokupne teritorije Bosne i Hercegovine.

5. Obaveza prijave predmetne koncentracije

Obaveza prijave koncentracije privrednih subjekata, u smislu člana 14. stav (1) tačka b) Zakona, postoji ako ukupni godišnji prihod svakog od najmanje dva privredna subjekta učesnika koncentracije ostvarena prodajom roba i/ili usluga na tržištu Bosne i Hercegovine iznose najmanje 8 miliona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi privrednih subjekata učesnika koncentracije i njihovih povezanih privrednih subjekata na dan 31.12.2018. godine prikazan je u sljedećoj tabeli:

Tabela 2.

| Red br. | Naziv privrednog subjekta | Ukupan prihod na tržištu BiH /KM | Ukupan prihod na svjetskom nivou/KM |
|---------|---------------------------|----------------------------------|-------------------------------------|
| 1. | „Athabasca Investment“ | (..)** | (..)** |
| 2. | PREVENT CEE | (..)** | (..)** |
| 3. | Prevent Specials | (..)** | (..)** |
| 4. | „SANITEKS“ | (..)** | (..)** |
| 5. | 1+2+3* | (..)** | (..)** |

Izvod: podaci iz Prijave, * Prevent Grupacija

Godišnji prihodi učesnika koncentracije (Tabela 2.) predstavljaju ukupne prihode (bez poreza na dodanu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 9. tačka h) Odluke o načinu podnošenja prijave i kriterijima za ocjenu koncentracija privrednih subjekata.

Konkurencijsko vijeće je, u skladu sa članom 43. stav (7) Zakona, pri izračunavanju ukupnog godišnjeg prihoda učesnika koncentracije, koristilo kriterije i standarde iz Obavijesti Evropske komisije o izračunavanju ukupnog prihoda u skladu sa Uredbom Vijeća (EZ) broj 4046/89 o kontroli koncentracija privrednih subjekata (98/C 66/04).

U vezi sa naprijed navedenim, pri izračunavanju ukupnih godišnjih prihoda privrednih subjekata učesnika koncentracije u obzir su uzeti i prihodi njihovih povezanih privrednih subjekata, te na osnovu navedenog prihod privrednog subjekta „Athabasca Investment“ sa

prihodom povezanih privrednih subjekata iz Prevent Grupacije na tržištu Bosne i Hercegovine iznosi (..)**KM, a prihod privrednog subjekta „SANITEKS“ iznosi (..)**KM.

Kako učesnici koncentracije nisu ispunili uslov ukupnog godišnjeg prihoda od najmanje 8.000.000,00 KM (u godini koja je prethodila predmetnoj koncentraciji), Konkurencijsko vijeće je dalje cijenilo tržišne udjele učesnika koncentracije na oba relevantna tržišta.

Privredni subjekt „SANITEKS“ je jedini proizvođač medicinskih sredstava i sanitetskog materijala u Bosni i Hercegovini, te samim tim ima (..)**% učešća na tržištu proizvodnje relevantnog proizvoda u Bosni i Hercegovini.

Što se tiče tržišta prodaje medicinskih sredstava i sanitetskog materijala, prema internim procjenama Uprave Ciljnog društva, tržišni udio istog iznosi (..)**%.

Godišnja ocjena potreba tržišta Bosne i Hercegovine se, prema navodima iz Prijave, vrši na dva načina:

1. Putem tendera i konkurentskih zahtjeva koji se kontinuirano objavljuju i iznose do (..)**KM,
2. Proračunom potrošnje gore navedenih sredstava prosječno po stanovniku u Bosni i Hercegovini i iznosi (..)**KM.

U 2018. godini prodaja na tržištu Bosne i Hercegovine proizvoda privrednog subjekta „SANITEKS“ iz stavke tendera i konkurentskih zahtjeva je iznosila (..)**KM, što odgovara pokriću tržišta sa (..)**% ((..)**ukupnih potreba).

Zbog činjenice da se Ciljno društvo i samo smatra liderom na tržištu Bosne i Hercegovine, ni tržišni udio od cca (..)**% na tržištu prodaje relevantnog proizvoda nije zanemariv.

U skladu sa naprijed navedenim na tržištu proizvodnje relevantnog proizvoda je ispunjen uslov iz člana 14. stav (1) pod b) Zakona koji se odnosi na zajednički udio na relevantnom tržištu veći od 40%.

Konkurencijsko vijeće je cijenilo činjenicu da su na tržištu proizvodnje medicinskih sredstava i sanitetskog materijala u Bosni i Hercegovini učesnici koncentracije ostvarili zajednički tržišni udio od (..)**%, te je Podnosilac prijave bio u obavezi da podnese Prijavu koncentracije.

6. Ocjena koncentracije

Privredni subjekt „SANITEKS“ je jedini proizvođač medicinskih sredstava i sanitetskog materijala u Bosni i Hercegovini i isti je dugi niz godina lider u snabdijevanju bosansko-hercegovačkog tržišta ovim proizvodima.

Svrha Ponude za preuzimanje je sticanje 100% vlasničkog učešća u Ciljnom društvu od strane Podnosioca prijave, sa ciljem proširenja postojeće poslovne strategije, kao i sprovođenja strateškog plana razvoja i povećanja tržišnog učešća, te kontrole procesa upravljanja i rukovođenja.

Namjera Podnosioca prijave, koji nema tržišni udio na relevantnom tržištu, je zadržavanje osnovne djelatnosti kao i proširenje iste, te se politikom upravljanja želi postići razvoj i unapređenje svih poslovnih procesa, inovacije u cilju proširenja tržišnog djelovanja i učešća kroz nove investicije, sve u svrhu povećanja efikasnosti poslovanja.

Konkurencijsko vijeće je analizom relevantnih podataka, u smislu člana 17. Zakona, ocijenilo da provođenjem predmetne koncentracije neće doći do narušavanja tržišne konkurencije,

odnosno stvaranja ili jačanja dominantne pozicije učesnika koncentracije, jer Podnosilac prijave ne djeluje niti na tržištu proizvodnje niti na tržištu prodaje medicinskih sredstava i sanitetskog materijala u Bosni i Hercegovini.

Slijedom navedenog, Konkurencijsko vijeće je ocijenilo predmetnu koncentraciju dopuštenom, u smislu člana 18. stav (2) tačka a) Zakona.

7. Administrativna taksa

Podnosilac prijave je na ovo Rješenje, u skladu sa članom 2. stav (1) tarifni broj 107. tačka d) pod 1) Odluke o visini administrativnih taksi u vezi sa procesnim radnjama pred Konkurencijskim vijećem („Službeni glasnik BiH“, br. 30/06, 18/11 i 75/18) dužan platiti administrativnu taksu u ukupnom iznosu od 5.000,00 KM u korist Budžeta institucija Bosne i Hercegovine.

8. Pouka o pravnom lijeku

Protiv ovog Rješenja nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Rješenja.

Predsjednica

mr. Arijana Regoda - Dražić